

**KERATAN AKHBAR-AKHBAR TEMPATAN
TARIKH : 17 JANUARI 2016 (AHAD)**

Bil	Tajuk	Akhbar
1	Penyusutan harga minyak tak jejas projek	Metro Ahad

KERATAN AKHBAR
METRO AHAD (SETEMPAT) : MUKA SURAT 20
TARIKH : 17 JANUARI 2016 (AHAD)

Penyusutan harga minyak tak jejas projek

Kuching: Penyusutan harga minyak mentah dunia tidak akan menjejaskan peruntukan bagi perbelanjaan operasi serta pembangunan projek di bawah Kementerian Kerja Raya.

Menterinya Datuk Seri Fadillah Yusof berkata, walaupun sekatan sebanyak 3.2 peratus dikenakan ke atas perbelanjaan operasi berikutan penyusutan harga minyak dunia, namun ia tidak mem-

beri kesan besar kepada sebarang kerja pembangunan.

Beliau berkata, peruntukan awal diterima kementerian bagi tujuan pembangunan sebanyak RM5.5 bilion dengan RM3 bilion diperuntukkan bagi perbelanjaan pembangunan manakala baki perbelanjaan operasi.

"Sekatan yang akan dikenakan ke atas perbelanjaan operasi ialah 3.2 peratus da-

ripada RM2 bilion dan ia bukan satu jumlah besar.

"Saya yakin ia tidak akan menjejaskan atau mengurangkan pencapaian kementerian khususnya dalam kerja pembangunan," katanya.

Beliau berkata demikian selepas Majlis Perasmian Penutupan Program Inovasi Sosial MOSTI: Latihan Peningkatan Kecekapan Keselamatan Siber dan Maklumat di Dewan Serbaguna Kolej

Komuniti di sini, semalam.

Menurutnya, kerajaan akan berusaha mengoptimalkan perbelanjaan operasi sedia ada, namun mengekalkan kualiti pembangunan bagi memberikan impak positif kepada rakyat.

"Kita akan lebih komited untuk memastikan setiap perkhidmatan disalurkan kepada rakyat sentiasa ditingkatkan, lebih-lebih lagi apabila membabitkan kese-

lesaan dan keselamatan pengguna jalan raya yang menjadi keutamaan kementerian," katanya.

Mengenai Program Inovasi Sosial MOSTI, beliau berkata, ia wajar dilaksanakan berikutan semakin ramai peniaga mula terbabit dalam aktiviti perniagaan secara dalam talian.

"Peniaga dalam talian harus tahu selok belok penggunaan teknologi maklumat

selain mengetahui kebaikan dan keburukan yang akan mereka peroleh daripada kecanggihan IT," katanya.

Hadir sama Pengerusi Lembaga Pengarah CyberSecurity Malaysia Jeneral (B) Tan Sri Mohd Azumi Mohamad dan Ahli Lembaga Pengarah CyberSecurity Malaysia merangkap Datuk Bandar Kuching Utara Datuk Abang Abdul Wahap Abang Julai.